

» che parlo, vien oppresso el Morosini. Come mai, novo in sti affari,
 » poderoio supplir al dover, se in mi non compensa a quel che man-
 » ca, la bona volontà ?

» E prima de tutto vedendome coverto de sta veste, che ze delle
 » più cospicue e autorevoli della Repubblica doverò, za che me se
 » presenta l' occasion, render grazie al sovràn, che insignindome
 » de sto onor l' ha credudo de compatir in mi la bona volontà e el
 » zelo, col qual nei offizi ho cercà de prestarme; non avendo ri-
 » guardo alle qualità intellettuali e anche d' esercizio che me manca.
 » Prometto in dovuta recognizion el più fervido zelo nel servizio
 » della mia patria, per quanto le mie deboli forze e la scarsezza dei
 » talenti lo comporta. De sta promessa, qual maggior prova ghe ne
 » posso mai dar, che la comparsa presente ? Vedo, che non ostante
 » la confusion delle idee proveniente dal spasimo, che mette sto
 » logo, la forza del dover conduse i omeni a far quello, del che no i
 » se credeva capaci.

» E per verità con mio stupor primo a colpirme ze el trovar da
 » sta renga nell' eccitamento de sto cittadin caricada de inobbedien-
 » za la serenissima Signoria. In verità, che non me crederave le-
 » cito el dar sta sorte de imputazion in Mazor Conseggio a qualun-
 » que privato cittadin. Da sta negra imputazion resta difesa la se-
 » renissima Signoria dal fatto stesso, da quello, che, da che ha
 » ayudo el comando, la ha operà. Certo, che per far qualche cosa
 » in verità ghe vol cognizion. La Signoria sola no pol riconoscer.
 » Le continue occupatissime ispezion delle quali la ze incaricada,
 » no ghe lassa tempo, e le me creda a mi, de immergerse in affari
 » sì complicati. La ha donca cercà el pressidio de soggetti illumi-
 » nadi e intelligenti, i quali la informasse e la appoggiasse in ste
 » rilevantissime urgenze. Se ha da portar al serenissimo Mazor
 » Conseggio una proposizion ? La se porterà, ma prima l' ha da
 » esser riconosciuda : e questo ze moralmente impossibile alla se-
 » renissima Signoria. Se altro se vol, la Signoria no la pol indovi-
 » nar quel che l' eccitamento non indica. La ha pensà donca de